

Ceannaichidh luchd-ionnsachaidh *Gairm* air sàilleamh nan leasanan Gàidhlig. Chunnaic mi aca mar tha e. Nuair a tha faclan anns a' chàin eile gu feum, chan eil tàir air a dheanamh oirre; chan eil na th' ann de Bheurla as an rathad an dòigh sam bith.

'S e nì a bhitheas na chuis-iongnaidh do mhóran, na chithear de shanasan-malairt air gach dara taobh-duilleig, móran dhiubh an Gàidhlig abhachdaich

Tha uiread de shaidhbheas dhe gach seòrsa anns a' chiad àireamh de *Ghairm* is gum bi sinn a' feitheamh le dùil bheothail ris an ath fhear. Bithidh dà bhliadhna fhéin dheth 'na dheagh thiodhlac do ar litreachas. Aig deireadh an ama sin có a their nach bi uiread de spéis againn dheth is nach urrainn dhuinn a bhith as aonais.—DOMHNALL GRANN, air an radio.

Tha e ag cur iongantais mo chraicinn orm nach cuala mi duine a' toirt luaidh no sgrùdadh air an leabhar ùr Ghàidhlig *Gairm*. Air an làimh eile, chan eil e ag cur ioghnadh idir orm.

Nam be laogha loibht de leabhar Beurla a bhiodh ann, a' bruidhinn anns a' Bheurla air cor Alba Ghàidhlig agus ciod bu chòir a dheanamh rithe, agus a gnathasan 's gu h-àraidh a Ghàidhlig a chumail suas, abair gum biodh litrichean móra fada air clàr nam paipèaran naidheachd Gàidhealach an uair sin. Ach bho'n is ann anns a' Ghàidhlig a tha e, tha na pinn aig na daoine againn air a dhol air chall. 'Se mo chuid fhéin speucalairean Beurla fhaighinn ach am faic mi mo chàirdean Gàidhealach anns an dòigh cheart.

Mur a tugadh Alasdair Mòr cóir, luaidh air *Gairm* bhiodh e gun luaidh idir air—mur nach b'fhiach an leabhar luaidh a thoirt air. Nach be'n leabhar speirbhiseach e 's cha b'e *Lilliput*, no *Men Only*, no an *London Passing Show*, ma tha e air fhàgail?—Mise gu spéiseil, BLADHASTAIR MOR WICK, anns an *Stornoway Gazette*.

Is ioma mìosachan agus fear-tathaich Gàidhlig a chuireadh air bonn le Gàidheil ghleusda anns na linntibh a chaidh seachad, ach, mo thruaighe, cha do chuir móran de na h-oidhirpean sin ceann liath, mar a thuirt an seanfhacal, ach tha sinn uile an dòchas gum bi sìneadh saoghail air a dheònachadh do an leabhar so, agus bidh sin uile an crochadh ris a' chuideachadh agus an còmhnadh a bheir na Gàidheil da.

Chuir rogha agus togha nan sgoilearan Gàidhlig an làmh ris a' chiad àireamh so de *Ghairm*, agus is fhurasda sin aithneachadh air an loinn agus an grinneas a tha air gach rosg agus bàrdachd a tha anns an àireamh so.—ALASDAIR MOR, anns an *Stornoway Gazette*.

Tha greis bho dh'innseadh dhuinn gun tigeadh an ràitheachan ùr so am follais air là sònraichte, agus rinn e sin—air an dearbh là—agus tha ar taing aig na fir-dheasachaidh air son mar a chaidh iad ris an obair.

Thrus iad ri chéile àireamh òraidean is sgrìobhaidhean as fhiach an leughadh Agus sin uile air leth-chrun! B'e am bargain e! — An Gàidheal.